



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Diatribai De Primis Veteris Frisiae Apostolis, Sive  
Dissertationes, quibus eoru[m] anni, actus, res,  
personae, loca, tempora in eorundem actis occurrentia,  
discutiuntur, illustrantur, erroresque ab ...**

**Bosschaerts, Willibrord**

**Mechliniae, 1650**

63. Quo die eam acceperit.

**urn:nbn:de:hbz:466:1-10958**

Quidquid vero Canon vsusque tulerint, vbi supremus omnium moderator iubet, cuius imperio Ecclesiae ministri destinantur, Canonemque vsusque cedere necesse est. Scimus diuino nutu S. Remigium eximium illum Galliarum Apostolum id dignitatis consecutum non amplius 22. annos natum; S. Lambertum 21. ætatis suæ; vnde parum dixi refert an trigesimo nono inchoato, an expleto Willibrordus hierarchicam consecrationem susceperit, qui ex coelesti imperio veniebat ordinandus.

## DISSERTATIO LXIII.

Quo die eam acceperit.



N mense Nouembri eam accepisse, indubium est. Quo mensis die? Beda affirmat ordinatum in festo S. Cecilie virginis & Martyris, quod celebratur 22. Nouembris. Trithemius in compendio historiae Francorum in festo S. Clementis Papæ & Martyris quod celebratur 23. Nouembris. Bedæ Authoris coætanei grauißima est Authoritas, quam sparsim sequuntur. Pro Trithemio facit 1. quod in die S. Cecilie 22. Nouembris Willibrordus prius vrbis mœnia subierit; vnde non videntur tam cito præsto potuisse esse quæ pro apparatu Episcopalis consecrationis debent ac decet. 2. quod nomen Clementis Willibrordo ab ordinatore sit impositum, vt qui ordinaretur in festo S. Clementis; inde enim transnominations sæpißime accipiuntur.

Si alteruter repudiandus esset, Trithemius esset repudiandus.



diandus propter Authoritatem V. Bedæ, quæ priorem & potiorem locum occupat. Ego tamen malo ambos in concordiam redigere.

Pro quo nota. In constituendo Antistite plura intervenire. i. post electionem & præsentationem est nominatio, deinde institutio, dignitatis, Jurisdictionis collatio & confirmatio, quibus habitis præsentatus est verus Episcopus, Ecclesiæ suæ Pastor potestque ea omnia exercere quæ solius Jurisdictionis sunt, vt Iudicare, punire, censuras ferre, ab iisdem absoluere, Jurisdictionem in externo & interno foro delegare, gratias & priuilegia concedere, beneficia Ecclesiastica conferre, inuestire præsentatos, instituere, electos confirmare, sicut hodie cernimus fieri in Episcopo Leodiensi.

2. Pontificia manuum impositio cum sacra inunctione, quæ est quasi vltima forma constitutionis Episcopalis, per quam electus consequitur plenitudinem destinati sui muneris, vt etiam etiam ea exercere possit quæ Iute diuino vel Ecclesiastico tali ordini sunt annexa, videlicet, Clericos ordinare, baptizatos Confirmare, Sacrum Chrisma, sacra vasa, altaria, Eclesias, virgines consecrare, &c. Duo hæc dantur semper aut fere semper distinctis diebus, imo aliquando mensibus. Itaque Bedam & Trithemium sic conciliamus, Willibrordo dignitatem, institutionem, & Jurisdictionem Episcopales cum Pontificali benedictione esse donatas in festo S. Cecilie 22. Nouemb. sequenti vero die S. Clementi sacro, id est 23. Nouembris, vltimam formam creationis Episcopalis cum pallio esse additam.

Petes, quâ feriâ vel quibus ferijs hebdomadæ hæc sint peracta in Willibrordo? Petrus Opmerius supra ait feriâ secundâ siue die lunæ. Bene, consequenter ad suam opinionem, quæ arbitratur S. Willibrordum obtinuisse Episcopatum



copatum anno 695; nam eo anno festum S. Ceciliae incidebat in feriam secundam ut liquet ex tabulis Ephemeridum. Verum iam probauimus anno 696. altioris ordinis culmen ascendisse Willibrordum, non 95. Praeterea refellitur ex traditione Eternacensium relata dissertatione 61. de admonitione Angelica Sergio Papae pro ordinando Willibrordo directa nocte praecedente vel inchoante diem artificialem 13. Kalend. Decemb. id est 19. Nouembris, qui erat dies Dominicus, a quo praedicitur Willibrordus in urbem demum venturus quarto die; non potuit ergo adfuisse sequenti die id est feria secunda & Antistitis honorem consequi. Quare rectius & verè dicitur Willibrordum quarto die, a die Dominico inclusivè numerando, Romam intrasse id est feria quarta, siue die Mercurii, quo anno 96. colebatur festum S. Ceciliae: & erat annus iste bissextilis natale S. Ceciliae praecedenti anno feria secunda celebratum, protrudens in feriam quartam.

Ad petitionem nunc Respondetur iuxta differentiam caeremoniarum Pontificij Ordinis mox datam: Priores, scilicet, collationem dignitatis. Iurisdictionem, &c. esse collatas Willibrordo feriâ quartâ hebdomadae S. Ceciliae sacra: Posteriores eximij ordinis completivas, feria 5. Clementi festiuâ.

Hic Objicitur 1. Episcopi & Archiepiscopi die Dominico consecrari debent ex antiquissima & (ut Leo Pontifex arbitratur) Apostolicâ traditione, capitulo Quod die, distinc 75; Quomodo ergo in Willibrordo facta est in ferijs, feria quinta? Res. Pontificem in dicta Lege dispensare posse docent Canonistae. Ac in Willibrordo iusta dispensandi causa substitit, quandoquidem à Frisia diu abfuisset, longè abesset, praesentia ipsius in Frisia requireretur, magnum restaret iter peragendum, accelerare ipsius solemnem Ordinationem meritò oportuit. Adde festa SS. Ceciliae



cilia & Clementis Romæ magnam celebritatem habuisse, Ecclesiasque siue memorias eorum summo hominum concursu frequentatas, sicque finem, cur Dominica Episcoporum Infulationi est deputata, nempe, ut maiori celebritate hominumque maiori aspectu fieret, sufficienter expluisse. 3. videri Sergium Angelicum præceptum intellexisse, non solum de Willibordo quarta die aduenturo, sed simul de aggreudiendo ordinationem ipsius eadem quarta die.

Obijcitur 2. Onuphrius ordinationes Sergij Pontificis referens, tantum ait illum ordinationes duas mense Martio sedecim Episcoporum fecisse; non apparet itaque Willibrordum ordinatum in Nouembri. Rel. Onuphrium non omnes Sergij ordinationes recensere, sed tantum quod duas peregerit mense Martio sedecim Episcoporum, quod notabile erat. Plenius eas enumerat Anastasius Bibliothecarius apud Baronium ad annum 701. tradens expresse, nullius adiuncto temporis calculo, à Sergio Clementem (Willibrordum) ordinatum, & vniuersim vltra 90. ab eodem.

## DISSERTATIO LXIV.

Quo loco S. Willibrordus sit Consecratus.



Ic pugnare videntur Alcuinus in vita S. Willibrordi apud Surium, & Iohannes Becanus in Gest. Episcop. Ultraiect. cum V. Beda supra, qui affirmat Willibrordum ordinatum in eade S. Ceciliæ sacra, illi in D. Petri templo. Ambæ partes ab Autoritate & antiquitate multum valent.

Eorfan